



**Esp. kodea:** 2018ZTXU0003  
**Titularra:** MANTENTZE ETA AUZOAK  
**OBRA ZERBITZU**

**Gaia:** San Juanetan kalez-kaleko salmenta 2018  
**Hasiera data:** 2018/04/05

**“EDOZEINEK ERABILTZEKO JARDUERA BEREZI”KO LIZENTZIAK EMATEKO PROZEDURA AGINDUKO DUEN BALDINTZA JURIDIKO-EKONOMIKO-ADMINISTRATIBOEN AGIRIA; LIZENTZIA HORIEK GAITZEN DUTE BIDE PUBLIKOAN (GARIBAI-KONTZEEZINO ALDEAN) JARTZEA KALEKO SALTOKIAK SANJUANETAN.**

### *1.- Lehiaketaren helburua:*

Arrasateko Udalak administrazio prozedura deitu du “edozeinek erabiltzeko jarduera berezi”ko lizentziak emateko; lizentzia horiek gaitzen dute bide publikoan (Garibai-Kontzezino aldean) jartzea kaleko saltokiak San Juanetan, honekin batera doan planoan jasotzen den kokalekuaren arabera.

Salmenta jarduera egin daiteke 2018/06/23tik (17:00etatik aurrera) eta 2018/06/26 artean (egun osoan), beti ere indarrean dagoen aplikatu beharreko araudiak edo udal agintariek ezarri ditzaketen ordutegiak mugatuta.

Postuen montaia 2018-06-23an goizeko 14:00etatik aurrera egin beharko da.

### *2.- Lizentzien ezaugarriak:*

(3 m x 1 m) 3 metro linealeko espazioak erabiltzeko lizentziak emango ditugu. Gehienez ere pertsona bati emango diogu lizentzia, elkarren segidako 3 m-ko 3 espazio erabiltzeko, eta 124 izango dira Udalak emango dituen 3 m-ko espazioak.

### *3.- Lehiatzaileak:*

Parte hartu ahal izango dute lehiaketan, jarduteko gaitasun osoa duten eta indarrean dagoen legerian aurreikusitako bateraezintasun edo ezintasun kasuetako batean agertzen ez diren pertsona natural edo juridikoak

Prozeduran ezingo dute parte hartu kalez-kaleko jarduerari lotuta Arrasateko Udalarekin zorrak dituzten pertsona natural edo juridikoak.

### *4.- Lizentzien epea.*

Lizentziak erabiltzeko epea hasiko da 2018/06/23n (17:00etatik aurrera) eta 2018/06/26 artean (egun osoan).

### *5.- Lizentziak emateko prozedura:*

Toki Erakundearen Ondasunen Erregelamenduko 77. artikuluan xedatutakoaren arabera, 1372/1986 Errege Dekretua, jabetza publikoko ondasunen “edozeinek erabiltzeko jarduera berezia”ri dagokionez, lizentziak emango dira zozketa eginez.

Kontuan hartuko dira bakarrik 2018-04-16 eta 2018-05-11 artean (biak barne) aurkeztu diren eskabideak.



**Esp. kodea:** 2018ZTXU0003  
**Titularra:** MANTENTZE ETA AUZOAK  
**OBRA ZERBITZU**

**Gaia:** San Juanetan kalez-kaleko salmenta 2018  
**Hasiera data:** 2018/04/05

Udalak, aurkeztutako agirien arabera eta kontuan izanik zertarako den salmenta, automatikoki erabaki dezake ez sartzea zozketan, haren iritziz, behar den dokumentazioa betetzen ez duten eskabideak.

Udal idazkariaren aurrean zozketa egingo da 2018/05/14an, baina egintza ez da izango JENDE AURREKOA.

Zozketa egin eta hortik aterako dira lizentzietako titularrak. Izenak, atera ahala lizentziak emango dira. Hortaz, ateratzen den lehenak 1 zk.a duen lizentzia izango du, eta agiri honi lotuta doan planoan 1 zenbakiarekin izendaturiko tokia izango du.

Zozketaren emaitza argitaratuko dugu iragarki taulan eta Udalaren web orrian.

Behin-behineko titularren argitarapena egin ondoren, hauek 10 eguneko epean hurrengo dokumentazioa aurkeztu beharko dute:

- a) Kalea erabiltzeagatik ordainduriko tasaren ziurtagiria.
- b) NAren fotokopia.
- c) Gizarte Segurantzako alta.
- d) Alta egitea Jarduera Ekonomikoen gaineko Zergan.
- e) Elikagaiak saltzeko, elikagaien manipulatuzaileen agiria.
- f) Salgaiaren arabera legez eskatu daitezkeen agiriak.
- g) Jarduera horretan lanean dabiltzan pertsonak izanez gero, horien agiriak ekarri beharko dituzte, eta lan harremana demostratuko dute.
- h) Atzerritarrei dagokienez, dagozkien egoitza- eta lan-baimenak lortu izana egiaztatzen duten agiriak, edota egoitza izateko eta lan egiteko gaitasuna ematen dien beste edozein agiri.

Aipatutako epean dokumentazioa ez bada aurkezten behin-behineko titularrak prozeduratik kanpo geratuko dira, eta behin-behineko titular berriak zozketan hurrengoak geraturikoak izango dira. Hauek 5 eguneko epe batean aipaturiko dokumentazioa aurkeztu beharko dute.

Azkenean behin-betiko titularren zerrenda argitaratuko da.

Prozedura honetan eman ezan lizentzia kopuru handiena, horiek zuzenean eman ahal izango dira, agiri honetan jasotzen diren baldintzetan.

#### **6.- Eskabideak aurkeztea:**

Eskabideak egiteko dokumentazioa BAZen, Udal Web orrian eta Udaletxean (Obra, Zerbitzu, Mantentze eta Auzoetako saila) izango da.

Hasierako zozketan parte hartzeko, ezinbesteko baldintza da aurkeztea 2018-04-16 eta 2018-05-11 artean (biak barne), BAZen edo legez balio duen beste edozein eratan, eskabide bat (I. eranskina). Aipatutako fetxak igaro ondoren, posible izango da eskabideak aurkeztea, eta hauek zerrendetan sartuko dira hasierako zozketarako aurkezturiko eskabideen ondoren.



Esp. kodea: 2018ZTXU0003  
Titularra: MANTENTZE ETA AUZOAK  
OBRA ZERBITZU

Gaia: San Juanetan kalez-kaleko salmenta 2018  
Hasiera data: 2018/04/05

Aurkeztu den dokumentazioan akats materialik ikusiz gero Mahaiak, hala iritziz gero, hiru astegun baino luzeagoa ez den epea eman ahal izango du, akatsa zuzendu dezan lizitatzailerak.

### 7.- Prezioak

Lizentzien titularrek ordaindu behar dizkiote Arrasateko Udalari Udaleko Ordenantza Fiskaletan jasotako prezioak.

- a) San Juan jai guztietarako ..... 31,90 €/m<sup>2</sup>.

### 8.- Lizentzien titularren betebeharrak.

- a) Indarrean dagoen aplikatu beharreko araudiak ezarritako orduak errespetatzea.  
b) Udalak egun horietarako finkatu dituen tasak ordaintzea.  
c) Erabiltzen den gunearen ingurua garbitzea, jarduera bukatutakoan.  
d) Jarduera betetzea, energia elektrikoa produzitzeko ekipo autonomoak ez erabiltzea, eta erabili behar ditu zaratarik sortzen ez duten sistemak.  
e) Kaleko saltokia kentzea 2018/06/27ko 9:00ak baino lehen.  
f) Jarduera egitea musikaririk erabili barik.  
g) Elikagaiak direnean, osasun erregistroa duten produktuak baino ez eskaintzea saltzeko.  
h) Ikusteko moduan edukitzea uneoro salmenta egiteko baimenaren jabe izatea kreditatzen duen agiria. **AGIRIA BAZ ZERBITZUAN JASO BEHARKO DA (EKAINAK 23an, 09:00 ETA 13:00 ORDUTEGIAN, ETA ARRATSALDEZ UDALTZAINGOAREN BULEGOETAN) ETA AGIRI GABE EZINGO DA SALTOKIA IPINI.**  
i) Lan harremanen, gizarte segurantzaren eta laneko segurtasun eta higienezaren gaietan indarrean dauden xedapen guztietan ezarritakoa betetzea, eta Arrasateko Udala erantzukizunetik libre geratuko da, kontratistak baldintzaren bat betetzen ez badu.  
j) Beste batzuei sortutako kalte guztiei erantzun eta kalteak ordaintzea, lizentzia erabiltzearen ondorioz, bai eta obligazioak ez betetzearen ondorioz sortutakoak ere.

### 10.- Arau-hausteak eta santzioak.

Lizentziaren titularrak behin eta berriro hautsiz gero arauak, agiri honi buruz edo udaltzainen jarraibideei buruz, automatikoki galdu dezake lizentzia, eta legez indarrean dauden beste neurri batzuek hartu daitezke haren aurka.

Arrasate, 2018ko apirilak 9

ALKATEA

